

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Družbicki, Kaspar

Ingolstadii, 1732

VD18 90066332

Exerc. 1. Ad quid Deus Sanctos apud se in Cœlo habeat?

urn:nbn:de:hbz:466:1-45396

EXERCITIORUM

P A R S XII.

Erga Sanctos Omnes.

EXERCITIUM I.

Ad quid Deus Sanctos apud se in Cælo habeat?

STattie te in conspectu Sanctorum, Electorumque Dei omnium, jam cum Deo in Cælo beatificè regnantium.

2. Disquire, & dispice, ad quid voluerit Deus Sanctos secum esse in Cælo? Voluit ad hoc, & fecit hoc: ut in eis, Creaturæ suæ, se, suaque bona Divina, quam maximè communicaret: communicando autem, se in Creaturis, & Creaturas in se, ita quam plenissimè expleret, ut amplius illæ expleri non possent, & nec ille posset explere: dicente ipso Domino; *Ego ero merces tua magnanimis. Et, Euge serve bone, & fidelis, intra in gaudium Domini tui: Et, mensuram bonam, & confertam, & coagitatam, & superfluentem, dabunt in sinum vestrum.*

3. In hac Vitâ, dabat Deus Sanctis suis, esse, vivere, sentire, moveri, intelligere, & multimodis operari, quantum ad Naturam: In hac eadem Vitâ dabat iisdem Sanctis Deus, esse Gratia, sive, habere Esse Divinum, vivere gratiam, sentire, moveri, agi gratiam, & in gratiam, & in opera gratiarum, ac Virtutum supernaturalium,

ac per-

Gen. 15. 1.

Mat. 25. 13.

Luc. 6.38.

ac perfectionis earum, intelligere, quoque, sive agere, & agi vitali vigore meritorum JESU Christi, per rationes æternas, per dona, fructusque Spiritus Sancti, per dictamina fidei, per Intentiones Spei, per abundantiam, fervorem, constantiam, efficaciamque Charitatis Dei, atque Christi.

4. At verò in Beatâ Vitâ, iisdem Sanctis, Deus dat Esse beatitudinis, dat vivere beatè, dat videre, seu intelligere, & amare beatè, dat sentire, experiri, possidere beatitudinem: dat in beatitudinem moveri, & agi, eamque pati, eâ expleri, satiari, saginarique: & tamen ad eandem semper ac semper, amplius ac amplius anhelare, aspirare, æstuare, toto pondere ferri, ac tendere, totâ siti, fameque inhiare, totâ capacitate repleri ac satiari, & nihilo minus satietate suâque famescere, rursumque fame satiari: dat denique nicaret: Sanctus in cælo Deus, non solum beatos esse, sed etiam in beatitudine esse, vivere, habitare, regnare, absorberi ab eâ, possideri ab eâ, transformari, & quasi transessentiari in eam: atque sic esse in æternum & ultra, & amplius: quia dum Deus erit Deus: id verò beatifice, ac intuitivè, & facie ad faciem, Deum intellectu videndo, affectu amando, possidendo, & fruendo, gaudendo & conquiescendo, durando & perennando, securitate felici, felicitate æternâ, æternitate beatâ, beatitudine Divinâ, & ipsius Dei, & ipso met Deo.

5. O quam bonus est Deus Creaturis suis, & in Creaturas suas! O quantum bonum est, ad tantum Dei bonum (quale est, esse Deo beatum) esse creatum, & destinatum! Super omnia verò:

Aa 3

O quam

O quam bonum est, esse de electis, esse de adductis, esse de admissis, ad tantum, & in tantum hoc est, in omne bonum, in bonum super omnem bonum, in omne Divinum bonum, in ipsum Deum! O quam bonum est beatum esse, & ipso quidem Deo beatum esse, & in omnem, ac per omnem aeternitatem Deo beatum esse!

6. Gratulare quantum potes, omnibus, & singulis Sanctis, quos Beatissimus, & omnis beatitudinis Oceanus omnisque Beatitudo Deus, fecit, & invenit, dignos se, & elegit ex omnine carne ut ipsos re ipsa faceret beatos ipso se. O fortè verè beatam, quā Sanctis Dei obtigit, non solum conditos & vocatos ad Beatitudinem esse, verū etiam efficaciter, ac re ipsa, beatitudinis compotes, comprehensores, possessores esse!

7. Age gratias Christo, hujus Sanctorum beatitudinis per merita sua authori; Age gratias Deo, ejusdem ex suā gratiā, & ob Christi merita, Sanctis suis largitori.

8. Accendaris & tu, beatitudinis desiderio; sed quia ad eam requisitissima est conditio, Sanctitas hujus Vitæ, sive, consummatio in Virtute perfectionis, ac perfectione Virtutum, potissimumque Charitatis; propterea id unum, id solum, id toto conatu, toto sumptu, totā intentione, inexplebiliter age: ut per omnia Sancte vivas, & Sanctus sis, & simillimus Sanctorum Sancto JEsu Christo sis, similis Deo (qui & Sanctus, & Sanctitatis fons, & ipsa Sanctitas est) in Sanctitate sis.

PRAXIS.

Sancte, & Beate Deus: sanctitudo, & beatitudo ipsa tua, omniumque Electorum tuorum Deus, qui Sanctos, & Electos tuos, ad sanctitatem, & beatitudinem creas, eligis, vocas, deducis, & in ipsius possessione finaliter, efficaciterque collocas: Sis benedictus in æternum, tam ab omnibus hisce Sanctis, ac Beatis tuis, quam à me pauperculorum Sanctitatis candidatorum, atque utinam etiam tuorum ad beatitudinem electorum uno. O quanta felicitas, quam felix jucunditas, quam jucunda beatitudo, esse cum Deo: videre Deum, vivere de Deo, Beatum esse Deo, videre etiam Sanctos, & esse cum Sanctis, & Sanctum esse! Beatus populus, qui scit Jubilationem: beatus qui possidet beatitudinem: beatus qui Deo suo beatus est: beatus, cuius & possessio Deus est, & qui ipse possessio Dei est, ac æterna est. Gratulor vobis, atque millies, & millies millies gratulor, ô Sancti, ô Beati, quia sancti, & beati estis Domino Deo vestro. Fiat hoc precibus vestris, fiat meritis Redemptoris nostri Domini JESU Christi, fiat gratia Domini & Dei nostri, ut ego quoque, in hac quidem Vita, efficiar sicut vos Sanctus: in æterna vero efficiar quoque sicut vos, Deo beatus, possidens Deum, & possessus a Deo, possessioque Dei æterna.

EXERCITIUM II.

De Amore erga Sanctos.

1. STatue te coram Sanctis omnibus cum Deo in Cælo regnantibus.
2. Elice actum Fidei Catholicæ de Sanctis, quod sint nimis Sancti, quod in cælo cum Deo habitent, quod Deum beatificè videant, eoque posses-

Aa 4